



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 73. Mors Maphæi Vegii

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

mi lætitia ejusdem exaltationem exce-
pit. Nec minore jubilo Hispaniæ Rex
Pio Pontificatum gratulatus est. Soli
autem Galli, Scoti, Dani, Poloni, Hun-
gari & Cyprii parum contenti videbantur.

Sæcul. XV.
A.C. 1458.

§. LXXII.

*Capranicæ Cardinalis Firmani
obitus.*

Cum celebrarentur exequiæ Callisti
Papæ, contigit Dominicum Capra-
nicam Cardinalem ex hac vita decedere.
Vir erat eruditione, rerum experientia,
ac morum integritate longe clarissimus,
qui etiam putabatur Callisto successurus,
ut nonnulli referunt Historici. Obitum
ejus omnes virtutis amantes plangebant,
& Gobelinus affirmat, quod integerrimam
duxerit vitam, qua cunctis, si minus ad
iram proclivis fuisset, optimum præbe-
bat exemplum. Posteritati reliquit lu-
cubrations nonnullas, nempe *Introducto-
rium de Pontificatu regendo*, tractatum de
arte bene moriendi, & orationem ad Al-
phonsum Neapolis Regem, præter alia
quædam opuscula.

§. LXXIII.

Mors Maphæi Vegii.

Eodem anno Maphæus Vegius, qui Lau-
dæ Pompæi prope Mediolanum na-
tus

Dupin. Bibl.
Script. Sæc.
XV. p. 45. to.
XII. edit.
Holand.

Hist. Eccles. Tom. XXVIII.

N n

tus

Sæcul. XV. tus, sub Martino V. Datarii officio funge-
 A.C. 1458. batur, mortalitatem exiit. Hic merito
 teste Dupino, inter Scriptores sui ævi,
 qui majore ceteris utilitate ac eloquentia
 calamum suum exercebant, recensendus
 venit. Præ reliquis tamen, quos e-
 didit, libris longe elegantissimus, magis-
 que elaboratus est tractatus *de educatione*
puerorum Christiana, in quo de Patrum
 atque Matrum obligationibus, necnon de
 scientiis, atque virtutibus, quibus pueri
 imbuendi sunt, singulari soliditate agit.
 Totus liber principiis vere Christianis, ac
 singulari sapientia abundat. Alii sex li-
 bri, quos idem Auctor de *perseverantia*
Religionis ad Sorores scripsit, valde soli-
 dam complectuntur pietatem, ac summe
 utilia exhibent præcepta, quæ magnum
 in virtutibus profectum, necnon pietatis
 ac religionis studium accendere, atque
 conservare valent. Nec minori solidita-
 te differit de quatuor novissimis, quod ar-
 gumentum summa sermonis efficacia ex-
 planat. Dialogum vero *de veritate in e-*
xilium pulsa ludentis ipsius ingenii par-
 tum, seu artificiosam fabulam esse repu-
 tamus. Præterea duodecimum *Ænæi-*
des librum Virgilii supplevit, aliaque
 Poemata, atque orationes ad posteros
 transmisit.

§. LXXIV.